

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-928-2/17. od 18.07.2017. godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **VEDDI INVEST“ doo iz Sarajeva**, ul. Orahovačka br. 2., registrovan kod Općinskog suda u Sarajevu, MBS: 65-01-0007-09 (stari broj: 1-16694), ID broj kod Porezne uprave FBiH Kantonalni ured Sarajevo 4200282110001, PDV broj kod Uprave za indirektno oporezivanje BiH 200282110001, koga zastupa Direktor Bostandžija Vedad (u daljem tekstu: Izvođač radova),

dana 18.07.2017. godine, u Sarajevu, zaključuju:

U G O V O R O IZVOĐENJU RADOVA

Član 1.

Ovim Ugovorom Izvođač radova se obavezuje da će za Ugovornog organa izvesti **radove na hitnoj sanaciji dijela kanalizacionih instalacija Kantonalne javne ustanove „Gerontološki centar“ Sarajevo**, a prema zahtjevima Ugovornog organa, broj: 11-928-1/17 od 11.07.2017. godine i Ponudi Izvođača radova, broj: 38-07/17 od 15.07.2017. godine, koji čine sastavni dio ovog Ugovora.

Član 2.

Izvođač radova se obavezuje da će predmetne radove izvršiti kvalitetno i blagovremeno, u skladu sa tehničkim normativima i obaveznim standardima koji važe za izvođenje radova ove vrste, da će izvršiti ugradnju kvalitetnog materijala, te da će u slučaju nekvalitetno izvršenih radova ili ugrađenog nekvalitetnog materijala, o vlastitom trošku ponovno izvršiti radove, odnosno ugraditi odgovarajući materijal.

Član 3.

Ukupna ugovorena vrijednost predmetnih radova iznosi **4696,48 KM bez uračunatog PDV, odnosno 5.494,88 KM sa uračunatim PDV** i u istu su uključeni svi troškovi (troškovi pripremnih radova, troškovi materijala, troškovi radova na sanaciji dijela kanalizacionih instalacija).

Jedinične cijene ugovorenih radova i materijala su fiksne do kraja izvođenja radova.

Ukoliko Izvođač radova bez pismenog naloga Ugovornog organa izvrši ugradnju skupljeg materijala od ugovorenog, nema pravo tražiti razliku u cijeni.

Za slučaj pojave eventualno nepredviđenih radova, koji se nisu mogli predvidjeti, isti će se priznati najviše do 5% vrijednosti ovog Ugovora i za iste će se sačiniti anex Ugovora.

Član 4.

Ugovorni organ se obavezuje da će plaćanje ugovorene vrijednosti iz člana 3. ovog Ugovora za uredno obavljene radove, izvršiti u roku od 7 (sedam) dana po ispostavljanju fakture Izvođača radova.

Predmetna nabavka će se smatrati okončanom kada to zapisnikom o primopredaji radova ugovorne strane obostrano konstatuju.

Plaćanje će se izvršiti na transakcijski račun Izvođača radova, broj: 194 001 69664 001 75, otvoren kod ProCredit bank Sarajevo.

Plaćanje će se vršiti u konvertibilnim markama.

Za svako kašnjenje u plaćanju Ugovorni organ se obavezuje da Izvođaču radova pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Izvođač radova ima pravo, bez ikakve daljnje opomene, na posebnu naknadu u iznosu 100,00 KM.

Član 5.

Konačna vrijednost radova po ovom ugovoru, utvrdit će se po završetku radova, na osnovu stvarno izvršenih količina radova i stvarno ugrađenog materijala iz knjige izvršenih radova, uz primjenu jediničnih cijena za pojedine vrste radova i materijala iz ponude.

Obračun izvršenih radova vršit će se putem zapisnika o izvršenim radovima, ovjerenim od strane ovlaštenih predstavnika obje ugovorne strane.

Viškovi radova, odnosno oni radovi, čija je količina veća nego što je predviđeno ponudom Izvođača radova, obračunavat će se po jediničnim cijenama iz predračuna radova, na osnovu knjige izvršenih radova, a najviše do 5% vrijednosti ovog Ugovora i za iste će se sačiniti anex Ugovora .

Na osnovu ovjerenog zapisnika i izvršene primopredaje radova, Izvođač radova će sačiniti račun i dostaviti ga na ovjeru i plaćanje Ugovornom organu.

Član 6.

Izvođač radova se obavezuje da će predmetne radove izvršiti najkasnije u roku od 15(petnaest) kalendarskih dana od dana zaključenja Ugovora.

Ukoliko Izvođač radova svojom krivicom ne izvrši radove u roku iz stava 1. ovog člana, dužan je platiti Ugovornom organu, na ime ugovorene kazne, za svaki dan zakašnjenja 2% od ugovorene cijene radova.

Pored prava iz prethodnog stava, Ugovorni organ ima pravo na naknadu štete, ako je ista prouzrokovana ovim zakašnjenjem.

Član 7.

Ukoliko u toku izvođenja radova nastupe okolnosti koje se u vrijeme zaključenja Ugovora nisu mogle predvidjeti, a koje utiču na tok radova, tako što izvođenje radova otežavaju ili ih privremeno sprječavaju, ugovorne strane će preispitati te okolnosti i sporazumno utvrditi novi rok za završetak ugovorenih radova.

Izvođač radova je dužan da nastale nepredviđene okolnosti zbog kojih je ometen u izvođenju radova, upiše u dnevnik izvođenja radova (od dana nastupanja, do trajanja tih okolnosti).

Član 8.

Ukoliko se u toku izvođenja radova ispostavi da se Izvođač ne pridržava uslova Ugovora, te da će izvršeni radovi imati nedostataka, Ugovorni organ će upozoriti Izvođača radova na to i odrediti mu primjeren rok da rad uskladi svojim obavezama.

Ako do isteka tog roka Izvođač radova ne postupi po zahtjevu Ugovornog organa, Ugovorni organ može raskinuti Ugovor i zahtijevati naknadu štete.

Član 9.

Ugovorni organ se obavezuje da će Izvođaču radova omogućiti neometano izvođenje radova.

Član 10.

Garantni rok za sve izvedene radove iznosi 12 mjeseci od dana primopredaje radova, u kom roku se Izvođač radova obavezuje bez naknade otkloniti svaki nedostatak ili grešku učinjenu u toku izvođenja radova.

Izvođač radova se obavezuje da će u toku garantnog perioda, po zahtjevu Ugovornog organa, u roku od 24 sata, ustanoviti svaki nedostatak ili propust koji nastane prilikom izvođenja predmetnih radova i otkloniti ga o svom trošku, u razumnom vremenskom roku, koji zavisi od vrste predmetnih radova.

Ukoliko se u toku garantnog perioda ustanovi da ugrađene instalacije i materijal imaju nedostatke koji se ne mogu otkloniti, Izvođač radova se obavezuje da će o svom trošku iste zamijeniti novim, i to u razumnom vremenskom roku, koji zavisi od vrste ugrađenog materijala.

Član 11.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Član 12.

Ovaj Ugovor stupa na snagu danom potpisivanja ugovornih strana.

Član 13.

Eventualne sporove nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće, za rješavanje sporova nadležan je Općinski sud u Sarajevu.

Član 14.

Ovaj Ugovor je sačinjen u četiri /4/ istovjetna primjerka, od kojih svaka strana zadržava po dva /2/ primjerka.



IZVOĐAČ RADOVA

Broj: 150/17

Sarajevo, 20. 07. 2017.



UGOVORNI ORGAN

Broj: 11-928-3/17

Sarajevo, 18.07.2017. godine